

A Munatol a Pas ane Jon

A warwara talapor nigo

A buk ne e Jon i tumusi. I tumusi tetek ning a tena tortorot a risana e Gaius. I atong wakak teteki anasa i nangan na tena titol ning la han ana Wakak a Warwara. I warwara otleng ana ning a barsan a risana e Diotrepe, ning anuna toltol bel i wakak.

A tinan ana Munatol a Buk ane Jon:

A kamkama buk ne (1-4)

E Jon i gas oe Gaius (5-8)

A toltol ane Diotrepe bel i wakak (9-10)

A toltol ane Demetrius i wakak (11-12)

A ararop a warwara (13-15)

¹ Iau, e Jon, ning a ningnigo ana lotu, a tumtumus tetek u, a halik, e Gaius, ning a mang kol sur u ana momolna.

² Halik, a araring sur anum a keskes ir wakak pa ur laun wakak, larning a ingum i laun wakak.

³ A gas kol ning dingla na tastasindala la hanot, pa la warwara talapor hom mang u mur momol a momolna, pa u laun onoi.

⁴ Ana nuk a longlongor mang na natnatuk la laun ana momolna, a gas kol, pa bel ta utna ulak ir aitna anuk a gasgas.

*A arnangai tetek a tastasindala ning la han ana
Wakak a Warwara*

⁵ Halik, u momol ana titol ning u toli tetek na tastasindala, ning la wasira tetek u.

⁶ Pa dingla onla, la warwara talapor tetek a tarai a lotu ana num a marmaris. Pa i wakak ning ur nangan la anal utna ana nunla tinan. A toltol ne e God i gas onoi.

⁷ La han ana risana e Karisito, pa bel la kibas arnangai tana taraila ning bel la tortorot.

⁸ Manglarning i wakak sur dalar nangan a ngas a tarai ning, sur dalar titol taum sur a momolna.

A lalaun ane Diotrepe pa e Demitrius

⁹ Ia ka tumus tar a pas tetek a tarai a lotu, ika e Diotrepe ning i mang kol sur ir ningnigo anumulo, bel i longor pas mila.

¹⁰ Pa ning ar hanot, ar atai mulo ana ututnala ning i toli, i warwara kumkumna omila. Pa bel i ka i ning, i otleng ne, bel i sira gas pas na tastasindala ning la hanot ana Wakak a Warwara, pa i sairas la ning la mang sur lar gas pas la pa i kepsen la kusun a lotu.

¹¹ Halik, gong u oroi asaer ana toltol laulau ne, ur mur a wakakna. Esining i tol a wakakna, ai anune God. Pa esining i tol a laulauna, bel i tasman e God.

¹² A taraila rop la warwara talapor oe Demitrius, mang a wakak a barsan, pa nuna momol a asaerla otleng i warwara talapor onoi.

Mila otleng mila warwara talapor onoi, pa u tasmani mang anumila na warwara i momol.

A ararop a warwara

¹³ A galis a utna ning ar tumusi tetek u, ika bel a mang sur ar tumtumus tetek u ana pen.

¹⁴ A nuki mang dar arngosoi taum ka par awara u.

¹⁵ A balmolmol tetek u. Na halalim mite, la saran anunla marmaris tetek u. Pa u otleng ur saran anuk a marmaris tetek na halalindau rop ning la kes tingia.

A Wakak a Warwara ane God
The New Testament in the Label language of Papua
New Guinea

Nupela Testamen long tokples Label long Niugini

copyright © 2023 Wycliffe Bible Translators Australia

Language: Label

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2026-02-02

PDF generated using Haiola and XeLaTeX on 11 Mar 2026 from source files dated 2 Feb 2026

13fa0832-6e31-5347-b6eb-57b79224ca94